



Marobudus Sueuorum Marcomannorum, qui tum in Boiemia, Lusatia, & finitimis regionibus trans Albim habitabāt, rex fuit, sub Augusto Cæsare. Hic autem à pueritia Romæ uersatus est, ut maiorum rerum cognitionem adipisceretur. Ibi ab Augusto Cæsare multis beneficijs ornatus, atq; in patriam reuersus Cæsaris opera magnam potentiam nactus est. Erat enim Marobudus nobilissimo principum Germaniæ stemmate prognatus, præterea animi dexteritate, & corporis magnitudine conspicuus, ita ut magis natione quàm ingenio Barbarus uideretur. Itaque non tu multuarium aut mobilem, uerùm uoluntate Cæ-

faris auitum principatum adeptus erat. Cum suam prouinciam administraret omnes finitimos aut bello domuit, aut certis conditionibus sui iuris fecit. Cū